

FRANCISCI à SCHOOTEN  
LEYDENSIS

In Academia Lugduno-Batava Matheseos Professoris,

EXERCITATIONVM  
MATHEMATICARUM,  
LIBER V.

CONTINENS

Sectiones triginta miscellaneas.



LVGD. BATAV.  
Ex Officina JOHANNIS ELSEVIRII,  
Academiae Typographi.  
cld lpc LVII.

A D

## L E C T O R E M.

**P**ostquam finem exercitationibus hisce imponere decreveram, diversa mihi alia, Amice Lector, jucundissimæ ac perpulchræ contemplationis argumenta superesse deprehendi, quæ, si pro eorum dignitate pertractata Sectionibus hisce adjunxissem, non parùm & meis laboribus ornamentis, & tuis fortè studiis adjumenti commodiquè attulissent; sed tam labor quam opus in immensum accrevisset. Quocirca cum inter alia, præcedentibus Sectionibus pertractata, modum, quo, elegantiores & sublimiores quædam Propositiones, partim ab Antiquis, partim à præstantissimis hujus sæculi Mathematicis ingeniosissimè inventæ, ab ipsis investigatæ fuerint, illarum Analyticæ artis præsidio inveniri possint, ostenderim: haud alienum ab instituto judicavi, si, ad uberiores hujus artis usum, ea, quæ Nobilissimus atque Clarissimus D. CHRISTIANUS HUGENIUS nuper de Ratiociniis in aleæ ludo adinvenit mihi què conscripta communicavit, hîc unà cum ipsius literis, reliquorum, quæ mihi supersunt, loco, adjicerem.

T t t 3

Quem



Quem igitur illius tractatum vel eò tibi acceptiorem fore confido, quò ea quæ inibi traduntur & subtiliora & à vulgo remotiora esse invenies; præsertim cum ad horum investigationem eadem mecum Analyfi, cujus olim fundamenta à me edoctus est, utatur; atque ita ejus studiosis viam ad consimiles quæstiones resolvendas aperiat. In quibus si cum reliquis nostris laboribus amplam tibi satis, Benevole Lector, in hoc studiorum genere exercitationis ansam præbuisse videar; animum exinde meum tui studiosissimum (ut spero) agnosces, ac nostram proinde operam in tui & Reipublicæ Literariæ bonum susceptam in bonam partem interpretaberis. Vale.

CHRI-

## CHRISTIANUS HUGENIUS

Clarissimo Viro,

D. FRANCISCO SCHOTENIO

S. D.

**C**um in editione elegantissimorum ingenii tui monumentorum, quam præ manibus nunc habes, Vir Clarissime, id inter cetera te spectare sciam, ut varietate rerum, quarum tractationem instituisti, ostendas quàm latè se protendat divina Analytices scientia, facile intelligo etiam illa plurimum proposito tuo inservire posse, quæ de alæa ratiociniis conscripsimus; quantò enim minus rationis terminis comprehendi posse videbantur, quæ fortuita sunt atque incerta, tantò admirabilior ars censebitur, cui ista quoque subjacent. Quare cum in tui gratiam primum illa exponenda susceperim, tuncque digna existimes, quæ simul cum subtilissimis tuis inventis in lucem exeant, adeò tibi non refragabor, ut etiam è re mea esse existimem hæc potissimum ratione ipsa in manus hominum pervenire. Quippe cum in re levi ac frivola operam collocasse videri aliqui possem, non tamen prorsus utilitatis expers ac nullius pretii censebitur, quòd tu veluti inter tua adoptaveris, nec sine multo labore è vernacula lingua nostra in Latinam converteris. Quanquam, si quis penitiùs ea quæ tradimus examinare cæperit, non dubito quin continuò reperturus sit rem non ut videtur ludicram agi, sed pulchræ subtilissimæque contemplationis fundamenta explicari. Et Problemata quidem quæ in hoc genere proponuntur, nihilo minus profunda indaginis visum iri confido, quàm quæ Diophanti libris continentur, voluptatis autem aliquantò plus habitura, cum non, sicut illa, in nuda numerorum consideratione terminentur. Sciendum verò, quod jam pridem inter præstantissimos totâ Galliâ Geometras



*metras calculus hic agitatus fuerit, ne quis indebitam mihi primæ inventionis gloriam hac in re tribuat. Ceterum illi, difficillimis quibusque quæstionibus se invicem exercere soliti, methodum suam quisque occultam retinere, adeò ut à primis elementis universam hanc materiam evolvere mihi necesse fuerit. Quamobrem ignoro etiamnum an eodem mecum principio illi utantur; at in resolvendis Problematis pulchrè nobis convenire sæpenumero expertus sum. Horum Problematum nonnulla in fine operis addidisse me invenies, omissa tamen analysi, cum quòd prolixam nimis operam poscebant, si perspicuè omnia exequi voluissem, tum quòd relinquendum aliquid videbatur exercitationi nostrorum, si qui erunt, Lectorum. Vale.*

Dat. Hagæ Com.

27 Apr. 1657.

DE



DE  
RATIOCINIIS  
IN  
LUDO ALEÆ.

**E**T si lusionum, quas sola sors moderatur, incerti solent esse eventus, attamen in his, quanto quis ad vincendum quàm perdendum propior sit, certam semper habet determinationem. Ut si quis primo jactu unâ tessera senarium jacere contendat, incertum quidem an vincet; at quantò verisimilius sit eum perdere quàm vincere, reipsâ definitum est, calculoque subducitur. Ita quoque, si cum aliquo certem hæc ratione, ut ternis lusibus constet victoria, atque ego jam unum lusum vicerim, incertum adhuc uter nostrum prior tertii victor sit evasurus. Verùm quanti expectatio mea, & contra quanti illius, aestimari debeat, certissimo ratiocinio consequi licet, atque hinc definire, si ludum uti est imperfectum linquere inter nos convenerit, quantò major portio ejus quod depositum est mihi quàm adversario meo tribuenda esset: vel etiam si quis in locum sortemque meam succedere cupiat, quo pretio me eam ipsi vendere æquum sit. Atque hinc innumeræ quæstiones exoriri possunt inter duos, tres, pluresve collusores. Cumque minimè vulgaris sit hujusmodi supputatio, & sæpe utiliter adhibeatur, breviter hîc quâ ratione aut methodo expedienda sit exponam, ac deinde etiam, quæ ad aleam sive tesseras propriè pertinent, explicabo.

Hoc autem utrobique utar fundamento: nimirum, in aleæ ludo, tanti aestimandam esse cujusque sortem seu expectationem ad ali-



quid obtinendum, quantum si habeat, possit denuo ad similem sortem sive expectationem pervenire, æquâ conditione certans. Ut, exempli gratiâ, si quis me inscio alterâ manu 3 solidos occultet, alterâ 7 solidos, mihi quæ optionem det ex utra manu solidos accipere malim; hoc tantundem mihi valere dico, ac si 5 solidi mihi dentur. Quoniam quinque solidos habens, denuo eò pervenire possum, ut æquam expectationem nanciscar ad 3 vel 7 solidos obtinendos: id quæ æquo lusu contendens.

### PROPOSITIO I.

Si  $a$  vel  $b$  expectem, quorum utrumvis æquè faciliè mihi obtingere possit, expectatio mea dicenda est valere  $\frac{a+b}{2}$ .

Ad hanc regulam non solum demonstrandam, verum etiam primitus eruendam posito  $x$  pro eo quod æquivalet expectationi meæ, oportet me, quum  $x$  habeo, rursus ad similem sortem pervenire posse, æquâ conditione certantem. Ponatur itaque lusus esse talis, ut cum altero certem hâc conditione, ut quisque deponat  $x$ , ac ut victor victo traditurus sit  $a$ . Hic autem lusus justus est, & patet me hâc ratione æquam habere sortem ad obtinendum  $a$ , si lusum perdam scilicet; aut  $2x - a$ , si vincam: tum enim obtineo  $2x$ , id nempe quod depositum est, de quo alteri erogandum est  $a$ . Quod si autem  $2x - a$  tantundem valeret atque  $b$ , æqua mihi fors obtingeret ad  $a$  quàm ad  $b$ . Pono itaque  $2x - a = b$ , & fit  $x = \frac{a+b}{2}$ , pro valore meæ expectationis. Cujus demonstratio facilis est. Etenim habens  $\frac{a+b}{2}$  possum cum alio certare, qui etiam  $\frac{a+b}{2}$  deponere volet, hâc conditione ut vincens victo sit traditurus  $a$ . Quâ ratione similis expectatio mihi obtinget ad obtinendum  $a$ , si perdam, aut ad obtinendum  $b$ , si vincam; tum enim obtineo  $a + b$ , id nempe quod depositum est, alterique inde concedo  $a$ .

In numeris. Si ad 3 vel 7 æqua fors mihi obtingat, tum expectatio mea per hanc Propositionem valet 5; & certum est me 5 habentem rursus ad eandem expectationem pervenire posse. Si enim cum alio certans 5 deponam, atque ille similiter 5 deponat, hâc conditione, ut, qui vincit, alteri sit daturus 3; erit hic lusus omnino justus, & patet

tet mihi æquam obtingere sortem ad obtinendum 3, si perdam, aut 7, si vincam: quoniam tunc obtineo 10, de quo alteri concedo 3.

## PROPOSITIO II.

Si  $a, b$ , vel  $c$  expectem, quorum unumquodque pari facilitate mihi obtingere possit, expectatio mea æstimanda est  $\frac{a+b+c}{3}$ .

Ad quod rursus inveniendum, ponatur, ut ante,  $x$  pro valore expectationis meæ. Oportet ergo me, cum  $x$  habeo, ad eandem expectationem pervenire posse iusto lusu. Ponatur lusus esse talis, ut cum duobus aliis ludam hæc conditione, ut quisque nostrum trium deponat  $x$ , & ut cum uno hoc pactum aggrediar, si ipse victor evadat, mihi sit daturus  $b$ , & ego ipsi traditurus sim  $b$ , si idem mihi obtingat. Cum altero autem hanc ineam conditionem, ut ille ludum vincens mihi traditurus sit  $c$ , aut ego ipsi sim daturus  $c$ , si ego vincam. Et patet hunc ludum iustum esse. Æquam autem hæc ratione sortem habeo ad obtinendum  $b$ , si nimirum primus vincat, aut  $c$ , si secundus vincat, aut etiam  $3x - b - c$  si ego vincam; tunc enim obtineo  $3x$ , quod depositum est, de quo uni concedo  $b$ , & alteri  $c$ . Quod si  $3x - b - c$  æquale fuerit ipsi  $a$ , eadem mihi obtingeret expectatio ad obtinendum  $a$ , quæ ad  $b$ , aut ad  $c$ . Pono itaque  $3x - b - c = a$ , & fit  $x = \frac{a+b+c}{3}$ , pro valore meæ expectationis. Eodem modo invenitur, si ad  $a, b, c$ , aut  $d$  æqua fors mihi obtingat, id tanti valoris esse, quanti  $\frac{a+b+c+d}{4}$ . Atque ita porro.

## PROPOSITIO III.

Si numerus casuum, quibus mihi eveniet  $a$ , sit  $p$ , numerus autem casuum quibus mihi eveniet  $b$  sit  $q$ , sumendo omnes casus æquè in proclivi esse: expectatio mea valebit  $\frac{pa + bq}{p+q}$ .

Ad hanc regulam eruendam, ponatur rursus  $x$  pro valore expectationis meæ: ergo oportet me, cum  $x$  habeo, ad eandem expectationem pervenire posse, ut ante, iusto lusu. Ad hoc autem tot collutores sumam, ut unà mecum numerum ipsius  $p + q$  efficiant, quorum



deponat quisque  $x$ , ita ut depositum sit  $px + qx$ , & quisque sibi ludat æquâ expectatione ad vincendum. Porro cum tot ex hisce collusoribus, quot indicat numerus  $q$ , sigillatim hoc pactum inibo, ut eorum qui vincat mihi sit daturus  $b$ , aut ego contra ipsi idem  $b$ , si vincam. Similiter cum reliquis collusoribus, constituentibus  $p - 1$  sigillatim hanc conditionem aggrediar, ut eorum quisque, qui ludum vincit, mihi sit daturus  $a$ , & ego tantundem ( $a$  scilicet) ipsi, si ego vincam. Et patet hunc lusum hâc conditione justum esse, nemine videlicet injuriam patiente. Deinde patet me nunc  $q$  expectationis habere ad  $b$ , &  $p - 1$  expectationes ad  $a$ , & 1 expectationem (me nempe vincente) ad  $px + qx - bq - ap + a$ , tunc enim obtineo  $px + qx$ , id quod depositum est, de quo tradere debeo  $b$  unicuique  $q$  lusorum, &  $a$  unicuique  $p - 1$  lusorum, quæ simul conficiunt  $ab + pa - a$ . Si itaque  $qx + bx - bq - ap + a$  æquale esset ipsi  $a$ , haberem  $p$  expectationes ad  $a$ , (quandoquidem jam  $p - 1$  expectationes ad id habebam) &  $q$  expectationes ad  $b$ , & sic ad priorem meam expectationem rursus pervenissem. Quocirca porro  $px + qx - bq - ap + a \propto a$ , & fit  $x \propto \frac{ap + bq}{p - q}$ , pro valore expectationis meæ, omnino ut in initio positum fuit.

In numeris. Si 3 mihi expectationes forent ad 13, & 2 expectationes ad 8, haberem per hanc regulam tantundem ac 11. Et facile est ostendere, me, si 11 habeam, rursus ad eandem expectationem pervenire posse. Ludens enim contra 4 alios, & quisque nostrum quinque deponens 11, cum duobus ex illis sigillatim pactum inibo, ut horum qui vincat mihi sit daturus 8, aut ego ipsi idem 8, si vincam. Similiter cum duobus reliquis, ut eorum quisque, qui ludum vincit, mihi sit daturus 13, aut ego ipsi tantundem, si ego vincam. Qui quidem lus justus est. Et patet me hoc modo duas habere expectationes ad 8, nimirum si alteruter eorum, qui mihi 8 promiserunt, vincat, & 3 expectationes ad 13, nimirum si alteruter reliquorum duorum, qui mihi 13 tradere debent, vincat, aut si ipse ludum vincam: ego enim ludum vincens obtineo depositum, id est, 55, de quo unicuique duorum tradere debeo 13, & unicuique reliquorum duorum 8, ita ut & mihi relinquatur 13.

## PROPOSITIO IV.

Vt igitur ad primò propositam quæstionem veniamus, nimirum, de facienda distributione inter diversos collutores, quando eorum sortes inæquales sunt, opus est ut à facilioribus incipiamus.

Sumpto itaque me cum aliquo certare, hoc pacto: ut qui priùs ter vicerit, quod depositum est, lucretur, & me jam bis vicisse, alterum verò semel. Scire cupio, si lusum prosequi non velimus, sed pecuniam, de qua certamus, prout æquum est, partiri, quantum ejus mihi obtingeret.

Primò considerare oportet lusus, qui utrobique deficient. Certum enim est, si inter nos convenerit, verbigratià, ut quod depositum est lucretur is, qui priùs vigesies vicerit, & ego decies & novies vicerò, at alter decies & octies, tantò meliorem fore eocasu sortem meam, quantò hîc melior est, ubi à tribus lusibus binos consequutus sum, ille verò unum duntaxat: quia nimirum utrobique mihi unus tantummodo lusus sed ipsi duo deficient.

Porro ad inveniendum quanta pars utrique debeatur, advertendum est quid fieret, si in lusu pergeremus. Certum enim est, si primum ludum vincerem, me præscriptum numerum impleturum & omne depositum consecuturum, id quod vocetur  $a$ . Quod si autem alter primum ludum vinceret, tunc æquata utriusque fors foret, (quippe utrique uno adhuc deficienteludo,) adeoque cederet cuique  $\frac{1}{2}a$ . Manifestum autem est me æquam habere sortem ad primum ludum vincendum aut perdendum, ita ut mihi nunc æqua sit expectatio ad obtinendum  $a$  aut  $\frac{1}{2}a$ : quod ipsum per *1<sup>ma</sup>* Propositionem tantum est ac si utriusque sortis dimidium, id est,  $\frac{3}{4}a$ , haberem; & relinquitur alteri meo collutori  $\frac{1}{4}a$ , quæ ipsius portio statim ab initio eodem modo reperiri potuisset. Unde patet, eum, qui ludum meum in se recipere vellet, mihi  $\frac{3}{4}a$  pro eo tradere debere; ac proinde semper tria contra unum deponere eum posse, qui unum ludum vincere contendat, priusquam alter duos vincat.

## PROPOSITIO V.

Ponamus unum mihi deficere ludum & collutori meo tres lusus. Oportet hîc facere distributionem.



Advertamus itaque rursus, in quo essemus statu, si ego vel ipse primum vinceret lusum. Si ego vincerem, obtinerem depositum, id est,  $a$ ; quod si autem ille primum ludum vinceret, deficerent ipsi duo lusus & mihi unus; ac proinde in eodem statu essemus, qui in præcedenti Propositione positus fuit, mihi quæ obtingeret  $\frac{3}{4}a$ , ut ibi ostensum est. Itaque pari facilitate vel  $a$  mihi obtinget vel  $\frac{3}{4}a$ , id quod tantum est, per 1<sup>am</sup> Propositionem, ac  $\frac{7}{8}a$ . Et relinquitur  $\frac{1}{8}a$  collusori meo; ita ut mea fors ad sortem illius se habeat, sicut 7 ad 1.

Quemadmodum autem ad hunc calculum requisitus est præcedens, ita rursus hicce inservit sequenti: nimirum, si ponamus mihi unum ludum deficere & collusori meo 4<sup>or</sup> lusus. Et invenitur eodem modo, mihi deberi  $\frac{13}{16}$  istius quod depositum est, & ipsi  $\frac{3}{16}$ .

## PROPOSITIO VI.

Ponamus mihi deficere duos lusus & collusori meo tres lusus.

Fiet itaque primo lusu; vel ut mihi unus lusus deficiat & ipsi tres (unde mihi per præcedentem Propositionem obtinget  $\frac{7}{8}a$ ); vel ut cuique nostrum adhuc duo lusus deficiant, unde mihi debebitur  $\frac{1}{2}a$ , quandoquidem sic utrique æqua fors futura est. Est mihi autem æqualis facilitas ad primum ludum vincendum aut perdendum; ita ut mihi æqua sit expectatio ad obtinendum  $\frac{7}{8}a$  aut  $\frac{1}{2}a$ , id quod mihi valet  $\frac{11}{16}a$ , per 1<sup>am</sup> Propositionem. Et debentur mihi 11 partes ejus quod depositum est, & collusori meo 5 partes.

## PROPOSITIO VII.

Ponamus mihi deficere duos lusus & collusori meo quatuor.

Fiet itaque, ut, si primum ludum vincam, unum ludum vincere debeam & alter quatuor; vel, si eundem perdam, duos & alter tres. Ita ut æqua mihi fors obtingat ad  $\frac{13}{16}a$  aut  $\frac{11}{16}a$ , id quod tantum valet ac  $\frac{13}{16}a$ , per 1<sup>am</sup> Propositionem. Unde patet, eum meliorem habere sortem, qui duos lusus vincere debet dum alter quatuor, quàm eum, qui unum dum alter duos. In hoc enim posteriori casu, nimirum ipsius 1 ad 2, portio mea, per 4<sup>am</sup> Propositionem, est  $\frac{3}{4}a$ , quæ minor est quàm  $\frac{13}{16}a$ .

## PROPOSITIO VIII.

Nunc verò ponamus tres esse collusores, quorum primo ut & secundo unus lusus deficiat, sed tertio duo lusus.

Ut igitur inveniatur primi pars, rursus advertendum est, quid ipsi deberetur, si vel ipse vel alter reliquorum duorum primum lulum vinceret. Si ipse vinceret, haberet depositum, id quod sit  $a$ . Quod si secundus vinceret, primus nihil haberet, quoniam secundus sic lului finem imposuisset. At si tertius vinceret, tunc cuique trium adhuc unus deficeret lusus, ideoque tam primo quàm utrique reliquorum deberetur  $\frac{1}{3}a$ . Et fit primo una expectatio ad  $a$ , una ad 0, & una ad  $\frac{1}{3}a$ , (quandoquidem æquè facile contingere potest cuique trium ut primum ludum vincat,) quod ipsi tantundem valet ac  $\frac{4}{9}a$ , per 2<sup>am</sup> Propositionem. Et fit similiter secundo  $\frac{4}{9}a$ , & remanet tertio  $\frac{1}{9}a$ . Cujus pars separatim etiam inveniri potuerat, atque inde reliquorum partes determinari.

## PROPOSITIO IX.

Ut tot collusorum, quot quis voluerit, ex quibus uni plures & alii pauciores lusus deficiunt, cujusque pars inveniatur, considerandum est, quid illi, cujus partem invenire volumus, deberetur, si vel ipse, vel quislibet reliquorum primum sequentem ludum vinceret. Horum autem partes si in unam summam colligantur, & aggregatum per numerum collusorum dividatur, quotiens ostendet unius quæsitam partem.

Ponamus tres esse collusores A, B, & C, & ipsi A unum ludum deficere, ipsi B duos lusus, & ipsi C similiter duos lusus. Invenire oportet, quid ipsi B, ejus quod depositum est, debeatur. Id quod vocetur  $q$ .

Primò examinandum est, quid ipsi B deberetur, si vel ipse, vel A, vel C primum sequentem ludum vinceret.

Si A vinceret, ludo finem imposuisset, ac per consequens ipsi B deberetur 0. Si ipse B vinceret, deficeret illi adhuc unus lusus, & ipsi A unus lusus, at ipsi C duo lusus. Quocirca ipsi B hoc in casu debetur  $\frac{2}{3}q$ , per 8<sup>am</sup> Propositionem.

Denique si C primum sequentem ludum vinceret, tunc ipsis A & C sin-



C singulis unus deficeret lusus, sed ipsi B duo lusus, ac per consequens ipsi B deberetur  $\frac{1}{9}q$ , per eandem Propositionem 8<sup>va</sup> m. Nunc autem in unam summam colligendum est, id quod in tribus hisce casibus ipsi B deberetur: nimirum, 0,  $\frac{4}{9}q$ ,  $\frac{1}{9}q$ : quorum summa est  $\frac{5}{9}q$ . Quod ipsum divisum per 3, numerum collusorum, dat  $\frac{5}{27}q$ . Quæ ipsius B quæsitæ pars est. Demonstratio autem hujus patet ex 2<sup>da</sup> Propositione. Quoniam enim B æquam habet sortem ad obtinendum 0,  $\frac{4}{9}q$ , vel  $\frac{1}{9}q$ , habet per 2<sup>dam</sup> Propositionem tantundem ac  $c + \frac{4}{9}q + \frac{1}{9}q$ , id est,  $\frac{5}{9}q$ . Et certum est, hunc divisorem 3 esse numerum collusorum.

Ut autem inveniatur, quid cuiquam debeatur in quolibet casu, videlicet si vel ipse vel aliquis reliquorum primum sequentem ludum vincat: oportet simpliciores casus primò investigare, & horum medio sequentes. Nam sicut hic ultimus casus solvi non potuit priusquam ille octavæ Propositionis calculo subductus esset, in quo deficientes lusus erant 1, 1, 2, ita etiam cujusque pars supputari nequit in tali casu, ubi deficientes lusus sunt 1, 2, 3, quin primum calculo subductus sit casus deficientium lusuum 1, 2, 2, quemadmodum jam fecimus, & præterea ille, in quo lusus deficientes sunt 1, 1, 3; qui similiter per 8<sup>vam</sup> Propositionem supputari potuisset. Atque hoc quidem pacto consequenter supputare licet casus omnes, qui in sequenti tabula comprehenduntur, & infinitos alios.

Tabula pro 3 collusoribus.

Lusus, qui ipsis deficient.	1 . 1 . 2	1 . 2 . 2	1 . 1 . 3	1 . 2 . 3
Eorum partes.	4 . 4 . 1	17 . 5 . 5	13 . 13 . 1	19 . 6 . 2
	9	27	27	27

Lusus, qui ipsis deficient.	1 . 1 . 4	1 . 1 . 5	1 . 2 . 4	1 . 2 . 5
Eorum partes.	40 . 40 . 1	121 . 121 . 1	178 . 58 . 7	542 . 179 . 8
	81	243	243	729

Lusus, qui ipsis deficient.	1 . 3 . 3	1 . 3 . 4	1 . 3 . 5
Eorum partes.	65 . 8 . 8	616 . 82 . 31	629 . 87 . 13
	81	729	729

Lusus, qui ipsis deficient.	2 . 2 . 3	2 . 2 . 4	2 . 2 . 5	2 . 3 . 3	2 . 3 . 4	2 . 3 . 5
Eorum partes.	34 . 34 . 13	338 . 338 . 53	353 . 353 . 23	133 . 55 . 55	451 . 195 . 83	1433 . 635 . 119
	81	729	729	243	729	2187

Quod

Quod ad tesseras attinet, de iis hæ quæstiones proponi possunt: videlicet, quotâ vice unâ tessera senarium jacere periclitandum sit, aut aliquod reliquorum punctorum. Item quotâ vice duos senarios duabus tesseriis, aut tres senarios tribus tesseriis jacere sit tentandum. Et plures aliæ hujusmodi quæstiones.

Ad quas solvendas advertendum est. Primò unius tesserae sex esse jactus diversos, quorum quivis æquè facillè eveniat. Sumo enim tesseram habere figuram cubi perfectam. Porro duarum tesserarum 36 esse diversos jactus, quorum similiter quivis æquè facillè obtingere potest. Nam ratione cujusque jactus unius tesserae potest unus sex jactuum alterius tesserae simul contingere. Et sexies 6 efficiunt 36 jactus. Item trium tesserarum esse 216 jactus diversos. Nam ratione cujusque 36 jactuum duarum tesserarum potest unus sex jactuum, qui in 3<sup>ta</sup> sunt, evenire. Et sexies 36 efficiunt 216 jactus. Eodem modo patet, quatuor tesserarum jactus esse sexies 216, id est, 1296; atque sic ulterius jactus quotlibet tesserarum supputari posse, sumendo semper pro accessione unius tesserae sexies jactus præcedentis.

Porro notandum, duarum tesserarum unum duntaxat esse jactum, qui 2 aut 12 puncta efficiat, duos verò jactus, qui 3 aut 11 puncta efficiant. Si enim tesseras vocemus A & B, patet, ad 3 puncta jacienda in A unum & in B duo, vel in B unum & in A duo puncta reperiri posse. Similiter ad 11 puncta jacienda in A quinque & in B sex, vel in A sex & in B quinque puncta patere posse. Quatuor punctorum tres sunt jactus, videlicet, ipsius A 1 & B 3 puncta; vel ipsius A 3 & B 1 punctum; vel ipsius A 2 & B 2 puncta.

Decem punctorum similiter tres sunt jactus.

Quinque vel novem punctorum 4<sup>or</sup> sunt jactus.

Sex vel octo punctorum 5<sup>que</sup> sunt jactus.

Septem punctorum 6 sunt jactus.

In tribus tesseriis reperiuntur	{	3 vel 18	}	punctorum	{	1	}	jactus,
		4 vel 17				3		
		5 vel 16				6		
		6 vel 15				10		
		7 vel 14				15		
		8 vel 13				21		
		9 vel 12				25		
		10 vel 11				27		



## PROPOSITIO X.

Invenire, quot vicibus suscipere quis possit, ut unâ tesserâ 6 puncta jaciât.

Si quis primâ vice senarium jacere contendat, apparet unum esse casum, quo vincat, habeatque id, quod pignoris loco depositum est; quinque verò esse casus, quibus perdat, & nihil habeat. Sunt enim 5 jactus contra ipsum, & tantum unus pro ipso. Quod autem depositum est vocetur  $a$ . Est itaque ipsi unica expectatio ad obtinendum  $a$ , sed quinque ad obtinendum 0; id quod per 2<sup>d</sup>am Propositionem tantundem valet ac  $\frac{1}{6}a$ . Et manet pro eo qui ipsi hunc casum offert  $\frac{5}{6}a$ . Ita ut tantummodo 1 contra 5 deponere possit, qui primâ vice suscipere velit.

Qui duabus vicibus semel senarium jacere certet, fors ejus hoc pacto computatur. Si primâ vice 6 jaciât, obtinet  $a$ . Si diversum eveniat, unus ipsi restat jactus, qui ex præcedenti tantum valet, quantum  $\frac{1}{6}a$ . Atqui ut primâ vice 6 jaciât, unus tantum casus est, & quinque casus, quibus diversum eveniat. Itaque ab initio unus casus est, qui det ipsi  $a$ ; & quinque qui dent  $\frac{1}{6}a$ , id quod per 2<sup>d</sup>am Propositionem valet  $\frac{1}{6}a$ . Unde contracertanti lusori cedit reliquum  $\frac{5}{6}a$ ; adeò ut fors utriusque sive æstimatio expectationis eam servet rationem, quam 11 ad 25; id est minus quàm 1 ad 2.

Hinc eodem modo calculo subducitur, quòd fors ejus, qui tribus vicibus semel senarium jacere suscipit, sit futura  $\frac{9}{216}a$ ; ita ut 91 contra 125 deponere possit; id est, paulò minus quàm 3 ad 4.

Qui quatuor vicibus idem suscipit, fors ejus est  $\frac{67}{1296}a$ ; ita ut 671 contra 625 deponere possit; id est, plus quàm 1 ad 1.

Qui quinque vicibus idem suscipit, fors ejus est  $\frac{4651}{7776}a$ , & potest 4651 contra 3125 deponere; id est, paulò minus quàm 3 ad 2.

Qui sex vicibus idem suscipit, fors ejus est  $\frac{31031}{46656}a$ , & potest 31031 contra 15625 deponere; id est, paulò minus quàm 2 ad 1.

Atque ita consequenter quilibet jactuum numerus inveniri potest. Sed licet majori compendio progredi, ut in sequenti Propositione ostendetur; sine quo calculus aliàs multò prolixior foret.



## PROPOSITIO XI.

Invenire, quot vicibus suscipere quis possit, ut duabus tesseris 12 puncta jaciatur.

Si quis primâ vice duos senarios jacere contendat, apparet unum esse casum, quo vincat, id est, ad obtinendum 4; & 35 esse casus, quibus perdat si veni nihil habeat, quoniam 36 sunt jactus. Itaque habet, per 2<sup>dam</sup> Propositionem,  $\frac{1}{36}$ .

Qui duabus vicibus idem suscipit, si primâ vice duos senarios jaciatur, obtinebit 4; si verò primâ vice diversum eveniat, unus ipsi restat jactus, id quod ipsi, per illud quod jam dictum est, valet  $\frac{1}{36}$ .

Atqui ut primâ vice duos senarios jaciatur, unus tantum est casus, sed 35 casus, quibus diversum eveniat. Itaque ab initio unus casus est, qui det ipsi 4, & 35 qui dent  $\frac{1}{36}$  4; id quod per 2<sup>dam</sup> Propositionem valet  $\frac{7}{1296}$ . Et remanet contracertanti  $\frac{125}{1296}$ .

Ex his invenire licet, qualis sit ei fors aut pars, qui idem suscipit quaternis jactibus, prætereundo casum eum, cum quis illud ternis jactibus suscipit.

Etenim, qui 4<sup>or</sup> vicibus duos senarios jacere contendit, si illud 1<sup>ma</sup> aut 2<sup>da</sup> vice faciat, obtinet 4; sin minus, restant ipsi duo jactus, qui per illud quod superius dictum est, valent  $\frac{7}{1296}$ . Sed propter eandem rationem habet etiam 71 casus, ut ex duobus primis jactibus semel duos senarios jaciatur, contra 1225 casus, quibus diversum eveniat. Habet itaque ab initio 71 casus, qui ipsi dent 4, & 1225 casus, quident ipsi  $\frac{7}{1296}$ . Quod ipsi per 2<sup>dam</sup> Propositionem valet  $\frac{178991}{1679616}$ . Et remanet contracertanti  $\frac{1500625}{1679616}$ . Id quod ostendit eorum fortes esse ad se invicem, ut 178991 ad 1500625.

E quibus porrò eâdem ratione invenitur expectatio ejus, qui 8 vicibus semel duos senarios jacere certat. Ac inde rursus expectatio ejus, qui idem suscipit 16 vicibus. Atque ex hujus expectatione, ut etiam ex expectatione illius, qui istud 8 vicibus suscipit, invenitur expectatio ejus, qui illud 24 vicibus in se recipit. In qua operatione, quoniam præcipuè quæritur in quo numero jactuum æqualis fors incipiat, inter eum qui id suscipit & eum qui offert, licebit à numeris, qui alioquin in immensum excreverent, posteriores aliquot characteres auferre. Atque ita quidem reperio ei, qui illud 24 vicibus suscipit, adhuc aliquid deficere; tumque demum eum potiorem conditionem inire, cum 25 jactibus aggreditur.



## PROPOSITIO XII.

Invenire quot tesseriis suscipere quis possit, ut primâ vice duos senarios jaciât.

Hoc autem tantundem est, ac si quis scire velit, quoto jactu quâpiam unâ tessera suscipere possit, ut bis senarium jaciât. Quod si quis duobus jactibus susciperet, obtingeret ei, per ea quæ ante ostensa sunt,  $\frac{1}{3}a$ . Qui illud tribus jactibus in se reciperet, si primus ejus jactus senarius non foret, haberet adhuc duos jactus, quorum uterque senarius esse deberet, id quod tantundem valere dictum est ac  $\frac{1}{3}a$ . At verò primo ejus jactu existente senario, opus est ut ex duobus jactibus non nisi semel senarium jaciât. Quod per 10 Propositionem tantundem valet ac si  $\frac{1}{3}a$  haberet. Atqui certum est ipsum unum habere casum, quo primâ vice senarium jaciât, & quinque casus quibus diversum eveniat. Habet itaque ab initio unum casum ad  $\frac{1}{3}a$ , & 5 casus ad  $\frac{2}{3}a$ , id quod per 2<sup>am</sup> Propositionem tantundem valet ac  $\frac{1}{2}a$  seu  $\frac{2}{3}a$ . Hoc pacto assumendo continuè unum jactum amplius, invenitur 10 jactibus unâ tessera, aut 10 tesseriis primo jactu suscipi posse, ut duo senarii jaciantur, idque cum lucro.

## PROPOSITIO XIII.

Si cum alio ludam duabus tesseriis unum solummodo jactum, hâc conditione, ut, si septenarius eveniat, ego vincam; at ille, si denarius obtingat; si verò quidquam aliud accidat, utrum id quod depositum est æqualiter dividamus: Invenire qualis istius pars cuique nostrum debeat.

Quoniam 36 jactuum, qui duabus tesseriis proveniunt, 6 jactus existunt septem punctorum, & 3 jactus decem punctorum, restant adhuc 27 jactus, qui ludum æquare possunt; id quod si fiat, cuique nostrum debebitur  $\frac{1}{2}a$ . Verum si id non obtingat, habeo 6 casus, quibus vincam, id est, ut  $a$  habeam; & 3 casus, quibus diversum eveniat, nihilque habeam: id quod per 2<sup>am</sup> Propositionem tantundem est ac si tali casu  $\frac{2}{3}a$  haberem. Habeo itaque ab initio 27 casus ad  $\frac{1}{2}a$  & 9 casus ad  $\frac{2}{3}a$ , id quod, per 2<sup>am</sup> Propositionem, tantundem est ac  $\frac{1}{2}a$ . Et remanet contracentanti  $\frac{1}{2}a$ .

P R O-



## PROPOSITIO XIV.

Si ego & alius duabus tesseriis alternatim jaciamus, hæc conditione, ut ego vincam simul atque septenarium jaci-  
ciam, ille verò quàm primùm senarium jaciat; ita vide-  
licet, ut ipsi primum jactum concedam: Invenire ratio-  
nem meæ ad ipsius sortem.

Ponatur, sortem meam valere  $x$ , & id quod depositum est vocari  $a$ ; eritque fors alterius  $a - x$ . Et patet, quodocunque ipsius vices jaciendi revertuntur, sortem meam tum rursus debere esse  $a - x$ . At quodocunque meæ vices sunt ut jaciam, fors mea pluris æstimanda est. Ponatur itaque pro ejus valore  $y$ . Iam quoniam ex 36 jactibus reperiuntur 5 in 2 tesseriis, qui collusori meo senarium dare lusumque victorem reddere possunt; & 31 jactus, quibus diversum eveniat, id est, qui meas jaciendi vices promovent: habeo, priusquam jact, 5 casus ad obtinendum 0, & 31 casus ad obtinendum  $y$ . id quod per 3<sup>iam</sup> Propositionem valet  $\frac{31y}{36}$ . Posuimus autem casum meum à principio esse  $a - x$ . Quocirca erit  $\frac{31y}{36} \approx x$ , adeoque  $y \approx \frac{36x}{31}$ . Deinde positum fuit, vicibus meis venientibus, sortem meam valere  $y$ . Ego verò jacturus, habeo 6 casus ad obtinendum  $a$ , quandoquidem 6 jactus reperiuntur 7 punctorum, qui me victorem reddunt; habeoque 30 casus, quibus vices collusoris mei revertuntur, id est, ut mihi obtineam  $x$ . id quod per 3<sup>iam</sup> Propositionem valet  $\frac{6a + 30x}{36}$ . Hoc autem cum sit  $\approx y$ , erit, invento, ut ante,  $\frac{36x}{31} \approx y$ ,  $\frac{30x + 6a}{36} \approx \frac{36x}{31}$ . Inde invenitur  $x \approx \frac{31a}{61}$ , valor meæ sortis. Et per consequens collusoris mei erit  $\frac{30a}{61}$ ; ita ut ratio sortis meæ ad illius sortem sit, ut 31 ad 30.

Coronidis loco subjungantur sequentia Problemata.

A & B unà ludunt duabus tesseriis, hæc conditione, ut A vincat, si *Probl. 1.*  
senarium jaciat, at B si septenarium jaciat. A primò unum jactum instituet; deinde B duos jactus consequenter; tum rursus A duos jactus, atque sic deinceps, donec hic vel ille victor evadat. Queritur ratio sortis ipsius A ad sortem ipsius B? Resp. ut 10355 ad 12276.

Xxx 3

Tres



*Probl. 2.*

Tres collutores A, B & C assumunt 12 calculos, quorum 4 albi & 8 nigri existunt, ludunt hæc conditione: ut, qui primus ipsorum velatis oculis album calculum elegerit, vincat; & ut prima electio sit penes A, secunda penes B, & tertia penes C, & tum sequens rursus penes A, atque sic deinceps alternatim. Quæritur, quamnam futura sit ratio illorum sortium?

*Probl. 3.*

A certat cum B quod ipse ex 40 chartis lusoriis, id est, 10 cujusque speciei, 4 chartas extracturus sit; ita ut ex unaquaque specie habeat unam. Et invenitur ratio sortis A ad sortem B ut 1000 ad 8139.

*Probl. 4.*

Assumptis, ut ante, 12 calculis, 4 albis & 8 nigris, certat A cum B, quod velatis oculis 7 calculos ex iis exempturus sit, inter quos 3 albi erunt. Quæritur ratio sortis ipsius A ad sortem ipsius B.

*Probl. 5.*

A & B assumunt singuli 12 nummos ludunt tribus tesseris hæc conditione: ut, si 11 puncta jaciantur, A tradat nummum ipsi B; at si 14 puncta jaciantur, B tradat nummum ipsi A; & ut ille ludum victurus sit, qui primum omnes habuerit nummos. Et invenitur ratio sortis ipsius A ad sortem ipsius B, ut 244140625 ad 282429536481.

F I N I S.



Errata quæ irrepsere Benevolus Lector sic corrigat.

Pag. 10. lin. 11 omiffa sunt hæc verba : & triplo plures aurei quàm solidi. P. 13. l. penult. lege  
 & 6 poma P. 16 in fine Prop. 26 lege 75 2<sup>da</sup> mola, & supra hosce numeros scribe medii. Pag. 23  
 in margine lege ad 22 Prop. P. 26 in fine Prop. 39 lege C. 3520. P. 34 ad finitram in margine lege  
 flor. 17017016 ③. P. 45 & 46 in 2 fig. loco superioris literæ D scribe B. P. 50. l. 12 lege & ED,  
 DF. P. 52. l. 3 lege sub AC, AB. P. 53. l. 13 lege & FE. ibid. loco literæ E, quæ prope I reperitur,  
 scribe F. ibid. l. 14 lege AGB & P. 55. l. 4 lege CK; 26 ①. P. 74. l. 11 lege Prop. 11<sup>ma</sup>. P. 79. l. 4  
 lege Unde LB erit 16. P. 100. l. 9 lege ABD 27. P. 108 in sinistra duarum superiorum figurarum  
 literæ M & N sunt una in alterius locum collocandæ. P. 145 tolle superius Simplicium Problema-  
 rum. P. 151. l. 3 lege quam est Crux. P. 153. l. 7 lege verius D. P. 200. l. ult. scribe in margine 3.  
 Pag. 204. l. 1. Pag. 206. l. 9. Pag. 208. l. penult. P. 211. l. 1. Pag. 213. l. 6. Pag. 215. l. ult. Pag. 218.  
 l. 1. Pag. 220. l. 17. & Pag. 314. l. 14 lege in rectam lineam. Pag. 204. l. 9. Pag. 207. l. 1. Pag. 209.  
 l. 13. Pag. 211. l. antep. Pag. 214. l. 1. Pag. 216. l. 13. Pag. 218. l. penult. Pag. 221. l. 5 lege in cir-  
 culi circumferentiam. P. 208. l. 3 lege sunt. P. 213. in fig. ad dextram loco superioris literæ C scribe  
 G. P. 220. l. penult. pro BD scribe BG. Pag. 221 in fig. inferiori, quæ est ad sinistram, omiffa est  
 lit. l. P. 227. l. 6 lege Prop. 33. P. 228. l. penult. lege in circumferentiam. P. 245. l. 18 lege inventum.  
 P. 265. l. 11 lege datam AB. P. 295. l. 27 lege descriptio. P. 300. l. 30 lege in lapideis. ib. l. antep. lege.  
 requisitus. P. 313. l. ult. dele m. P. 316. l. 25 lege secans EM. P. 404. l. 5 lege Sectione 25. P. 479.  
 infra lin. 25 lege  $\frac{254c}{a}$ , & dele lineam subductam. P. 488 in fine lege BHC.